

# LA GUERRA E LE SUE ORIGINI

i suoi primi responsabili, e le sue dolorose conseguenze

## POESIA IN DIALETTO ROMAGNOLO

Tutt e mond grida vendetta  
sa cla raza maledetta  
che šta guera ià scadnè!  
Vliv savè chi è che ste?..  
Cecco Beppo e Guielmoun  
e fu i Tedisch per ambizion  
da dvantè i padroun dla tera  
e fu lour ch' ià vlu sta guera...  
L' era tent chis preparava!...  
quand i vidd. che ielt i steva  
con al men ma la cintura  
ii de la bota a dirittura!..  
Tutt i sforz chi fec i sted  
acciò chis fuss accomoded  
Lour in vleitt ascoltè nünt  
perchè iera zà convint  
che in se' mis e pou d' galopa  
da dventè i padroun dl' Europa.  
Ma sta volta Guielmoun  
es la è fata in ti calzoun!..  
Cos al otnù si su ragir  
di dolour e di sospir;  
prima per lou che vagabond  
e pu per guasi tutt e mond!  
Mal su zent mi partid  
e iaveva imbacuchid  
con al promess che ièva fat  
acciò chin fussa rittirat;  
ed infat Lou la ottenù  
che ià tirat do cla volù...  
I socialeista specialment  
che in Germania in parlament  
iè tre volt più che da noun  
contra d' Lou i ne ste sol oun  
*Liebeneek* che tent e vera  
che la mand supte in galera!  
Sli se diffes pou al ielt nazioun  
al iaveva mill rasoun...  
il lià assalidi d' ii ià de dos  
a vli clin sfussa nienca mos?  
Frenza, Russia ed Inghiltera  
I fu costrett a metsse in guera  
altriment con ch' iassasein  
iera d' armett pela e quattrein.  
Com ai fat ti piccol sted  
chi ià trov debol? Lour iè entred  
ia fat tent infamità  
chans poteva arvè più in là!

In te Belg in pseva andè  
che anche Lour ieva firmè  
un trattè internazionel,  
che in Europa tutt eguel  
i Re i l' àveva da osservè,  
Lour invec i la sciantè  
come qualunque sia cartaza,  
iè entrè, padroun dla piazza  
ià comess tent d' chi delleitt  
che in te mond in fu mai scritt!  
Ia mutilè ma di burdell  
di fat orrend e basta quell  
per di che i tigri i più affamed  
iè men cattiv e scellered!  
Sa cla rabia e cla superbia  
altretent ià fat in Serbia  
da per tutt do chià putù  
enca pegg i se contnù!..  
S' iareplan, si sottmarein  
ai fat poch vittim st' iaguzzein!?  
pacenza i là do chiera in guerra  
ma an fu un infamia una purchera  
affondè di bastiment  
con del doni e d' iinozeent?..  
E Lusitania, an varcordè  
che i Tedisch i la affondè  
con del famei d' operai  
pin d' miseria e pin d' guai  
chi torneva de lavour,  
e sti vigliach, sti sgrasadour  
senza riguerd ma povre o ricch  
i ii mandò ma tutt a picch?!  
E da cla volta sina a des  
al dirò per un dipres  
mi neutrel in tutt e mond  
trezent e più ii na mand a fond!  
Si zepelein s' iareopland  
ai fat poc vittme e poc dan...  
buttand zu bombi a men basa  
sa d' iinozent quand iera in masa  
come a Padova a Verona  
a Ravenna, Rimne, Ancona  
e in tent elt località  
pais, villag ed elt città? !..  
E pou ià fat dl' elta robetta  
sta razzaza maledetta!  
Maz feredi, gas sfisient!  
per tutt i vers per tutt i chent

i na fat sta canaiaza  
 a ne ora chi iamaza!  
 (ades a digh mi caporioun  
 no mi bas com a sem noun...)  
 E quel d' portè via dla zenta  
 da chi sit do chiè andè drenta  
 per internei tla su nazioun  
 omne, don tutt i più boun  
 chi ha fat pou lavorè  
 per tutt i su chià fat mazè?!  
 a fadighè come al bistiaz  
 e trattei come i cagnaz!  
 che un bell pou iè mort d' fema  
 sotta cla raza trista infema!?  
 Cos centrevle quest sla guera?  
 an fu un delitt una porchera?  
 Non ostent però l' Intesa  
 assalida alla sorpresa  
 con chi mezzi temererie  
 chiè e i sarà sempre contrerie  
 mi direitt dl' umanità  
 ià tnu dur! 'a ferme i là  
 risolut sempre sl' idea  
 alfein di cunt da cazei vea  
 per mandei senza di dubbie  
 ti su sit dla del Danubie!  
 Per ora poc iavrà ottenù  
 ma qualcosa pou ia avù!  
 Prima d' tutt ma chi demonie  
 ii ià tolt tutt al colonie.  
 I piroscaf mercantil  
 quest i qui an iè bsogn d' dil  
 qui chiaveva fuor de sted  
 ii iè ste subit sequestred  
 Al flot da guera ii li ha inciodè  
 ti su port clin po scapè  
 D' iomne four d' combattiment  
 i na avù e pou certament  
 ot miglioun' a cred chi sia  
 senza i Turch e Bulgaria.  
 E quel che pegg ades e per  
 chi iava cius tun cere d' fer,  
 e chiava decis o mort o viv  
 da dei un colp già decisiv  
 d' sgabanei ma tutt da fat  
 d' ciachei e mus come mi gat.  
 Sii fa quest ma sti strument  
 ma st' assasein e prepotent  
 sarà facil da domei....  
 si no, i discurs le mei d' no fei  
 fin chià forza da fiadè  
 ic farà sempre tribulè!  
 Considerand pou tla su ment  
 chi va a fni tutt malament  
 ià dmand la paesa sti smardoun

però senza condizioun...  
 Ma Italia, Russia e Frenza,  
 Ingles e Belg in allejenza  
 ià deitt no!... nissuna paesa!  
 an vleim caschè dentra at la biusa  
 de calder dlaqua bollida?...  
 e la farem a guera fnida!...  
 quan a vem già debellè  
 se cla volta a la vri fe!  
 ma ades gii ma d' Goielmon  
 cla sta sla bocca de canoun!  
 Donca i dmanda d' impasces  
 ma siè tent fort perchè umilies  
 da tent cattiv e prepotent?  
 qualunque clava un po d' talent  
 ma sta dimanda bso, el' arsponda  
 perché ià capì chin sfonda!  
 Ed infat in Occident  
 ma sta raza d' ilinquent  
 Ingleis e Frenza ià de dos  
 Cannonedi a più non pos  
 chiè ste costret a rinculè  
 e molt pais abandonè!  
 E ià giurè ma sti birboun  
 prest d' maudei tla su nazon  
 e pu chi prega e Signorein  
 che i nost in vaga anche Berlin!  
 Ià ben fat dli infamità  
 a ti paes a tel zittà  
 do chiè pas per tornè indrè  
 ma a iavè beu da savè  
 che i dan chià de chi malfattour  
 i srà costrett a paghei Leur!  
 perchè (chi drenta o russ o verd  
 della rabbia) ei tocca perd!  
 Ades pou chiè un pò avillid  
 ench la Cina e i Sted Unid  
 i se mess ascieim sl' Intesa  
 quand i iavrà da tutt l' offesa  
 tent per mer comè per tera  
 e sarà la fin dla guera.  
 Iaveva in Russia molt amigh  
 ma i se trov tun brutt intrigh!  
 perchè e Zar per più rason  
 la abdichè a labdicazion  
 la ha port in tutt la Russia  
 la disfata anche dla Prussia.  
 E me a digh chè d' Maz o d' Zugn  
 quand ii ià ben rott e grogn  
 alla più longa e fein d' Insteda  
 ch' sarà la guera termineda.

G. VILLA

(Proprietà Letteraria)